

“МАЪҚУЛЛАНГАН”

Давлат тест маркази Илмий-методик  
кенгашининг 2016 йил 30 декабрдаги  
йиғилиши 4-сон баёни қарори билан

“ТАСДИҚЛАНГАН”

Давлат тест марказининг  
2017 йил 6 январдаги  
01-08-сонли буйруғи билан

## **ВАЗИРЛАР МАҲКАМАСИ ҲУЗУРИДАГИ ДАВЛАТ ТЕСТ МАРКАЗИ ТОМОНИДАН КЎРСАТИЛАЁТГАН “КОРПОРАТИВ БОШҚАРУВ ИЛМИЙ-ТАЪЛИМ МАРКАЗИ МАГИСТРАТУРАСИГА КИРИШ ТЕСТ СИНОВЛАРИНИ ЎТКАЗИШ” ДАВЛАТ ХИЗМАТИНИНГ РЕГЛАМЕНТИ**

### **1. ХИЗМАТ ТАВСИФИ (ПАСПОРТ)**

#### **1.1. Хизмат номи**

Корпоратив бошқарув илмий – таълим маркази магистратурасига кириш тест синовларини ўтказиш.

#### **1.2. Хизмат натижаси**

Корпоратив бошқарув илмий – таълим маркази магистратурасига кириш тест синовларини натижаларини тақдим қилиш;

#### **1.3. Хизмат кўрсатувчи орган**

Ўзбекистон Республикаси Вазирлар Маҳкамаси ҳузуридаги Давлат тест маркази  
Тошкент ш., Боғишамол кўч., 12  
E-mail: [info@dtm.uz](mailto:info@dtm.uz)  
Веб-сайт: [www.dtm.uz](http://www.dtm.uz)

#### **1.4. Ҳуқуқий асослари**

Ўзбекистон Республикаси Президентининг 2015 йил 30 сентябрдаги ПҚ-2414-сон «Корпоратив бошқарув илмий-таълим маркази фаолиятини ташкил этиш чора-тадбирлари тўғрисида»ги қарори ва Вазирлар Маҳкамасининг 2015 йил 27 октябрдаги 305-сон «Корпоратив бошқарув илмий-таълим марказининг самарали фаолиятини таъминлашга доир ташкилий чора-тадбирлар тўғрисида»ги қарори.

Ўзбекистон Республикаси Адлия вазирлиги томонидан 2016 йил 14 июлда 2812-сон билан давлат рўйхатидан ўтказилган “Корпоратив бошқарув илмий – таълим маркази магистратурасига кириш синовларини ташкил этиш ва ўтказиш тартиби тўғрисидаги Низом” (бундан буён матнда Низом деб юритилади);

#### **1.5. Хизматдан фойдаланувчилар**

Корпоратив бошқарув илмий-таълим маркази магистратураси кириш тест синовларига қатнашиш учун ҳужжат топширган жисмоний шахслар;

#### **1.6. Сўровнома берилиш муддати**

Тест саволларини тузиш учун тест ўтказиладиган фанларнинг тасдиқланган дастурлари тест синовлари бошланишидан камида 2 ой олдин Корпоратив бошқарув илмий – таълим маркази (бундан буён матнда Марказ деб юритилади) томонидан Давлат тест марказига тақдим этилади.

#### **1.7. Ижро муддати**

Марказ Давлат тест маркази билан келишилган ҳолда тест синовлари ўтказиладиган кунни белгилайди.

## **1.8. Хужжатларни тақдим этиш муддати**

тест синовлари ўтказилишидан 3 кун олдин — Давлат тест марказидан абитуриентлар рухсатномалари ва абитуриентларга рухсатномаларни тарқатиш қайдномаларини қабул қилиб олади;

тест синовлари ўтказилишидан 2 кун олдин абитуриентларга абитуриент рухсатномасини тарқатади

## **2. ХИЗМАТДАН ФОЙДАЛАНУВЧИЛАРНИ ХАБАРДОР ҚИЛИШ**

### **2.1. Кенг доирада маълумот берилиши**

Абитуриентлар тест синовини ўтказилиши ва уни топшириш қоидалари тўғрисидаги ахборотлар Давлат тест маркази ҳамда Марказ расмий веб-сайтлари орқали маълумот олишлари мумкин.

### **2.2. Сўровнома бўйича маълумот берилиши**

Ушбу хизматдан фойдаланиш учун фуқаронинг ўзи шахсан келиши лозим.

### **2.3. Хизмат кўрсатиш жойи ҳақида хабардор қилиш**

тест синовлари ўтказилишидан 2 кун олдин — тест синовлари ўтказиладиган биноларда абитуриентларни тест синови ўтказиш тартиби билан яна бир бор таништириш мақсадида маслаҳат пунктлари ташкил қилади

### **2.4. Фойдаланиладиган бланк (шакл)лар**

Ўзбекистон Республикаси Адлия вазирлиги томонидан 2016 йил 14 июлда 2812-сон билан давлат рўйхатидан ўтказилган “Корпоратив бошқарув илмий – таълим маркази магистратурасига кириш синовларини ташкил этиш ва ўтказиш тартиби тўғрисидаги Низом”да келтирилган шакллардан фойдаланилади.

## **3. ХИЗМАТ КўРСАТИШ**

### **3.1. Иш вақти**

Тест синовларини ўтказишга доир барча хужжатлар Давлат тест маркази иш куни ва иш вақтида тақдим этилиши мумкин.

Иш вақти: 9-00дан - 18-00гача. Дам олиш кунлари: шанба, якшанба.

### **3.2. Кутиш шarti**

Тест синовлари натижалари 2 кун ичида чиқарилади.

## **4. ХИЗМАТ КўРСАТИШ ТАРТИБ – ТАОМИЛИ**

### **4.1.Талаб қилинадиган хужжатлар**

Давлат ва хўжалик бошқаруви, жойларда ижрочи ҳокимиятлар, бошқа давлат ташкилотлари ва тадбиркорлик субъектларининг биринчи раҳбари томонидан имзоланган тавсиянома;

Шартноманинг барча шартларига розилик тасдиғи билан Марказ директори номига ариза;

Маълумотнома – объективка, анкета (яқин қариндошлари ҳақидаги маълумотлари билан);

Олий маълумот ҳақидаги хужжат асли;

Белгиланган тартибда тасдиқланган меҳнат дафтарчасидан нусха;

№086-У формадаги тиббий маълумотнома;

4x6 ўлчамли 6 та рангли фото;

Паспорт ва муддатли ҳарбий хизматга чақирув ҳақида хужжатнинг нусхаси;

### **4.2. Хизмат кўрсатиш қиймати**

Давлат хизмати шартнома асосида кўрсатилади.

#### **4.3. Хизмат кўрсатиш босқичлари**

Қабул комиссияси томонидан:

1-босқич. Қабул комиссияси тест синовлари бошланишидан бир ой олдин Вазирлар Маҳкамасининг 2015 йил 27 октябрдаги 305-сон «Корпоратив бошқарув илмий-таълим марказининг самарали фаолиятини таъминлашга доир ташкилий чора-тадбирлар тўғрисида»ги қарори ва Низом нусхасини, шунингдек қабул жараёнига оид зарур маълумотларни Марказ расмий веб-сайтига ва қабул комиссияси эълонлар тахтасига жойлаштиради.

2-босқич. Қабул комиссияси тест синовлари ўтказилишидан 20 кун олдин — тегишли бинолар ва аудиторияларни тест синовларини ўтказиш учун тайёрлайди.

3-босқич. Қабул комиссияси тест синовлари ўтказилишидан 10 кун олдин — тест синовларини ўтказиш режалаштирилган бинолар ва аудиториялар ҳақидаги маълумотларни Низомнинг 1-илоvasи 1 — 7-шаклларига мувофиқ Давлат тест марказига тақдим этади, ушбу маълумотларга кейинчалик ўзгартириш ва кўшимчалар киритиш тақиқланади.

4-босқич. Қабул комиссияси тест синовлари ўтказилишидан 8 кун олдин — абитуриентларнинг қайд рақами, таълим муассасасининг номи, фуқаролиги, фамилияси, исми, отасининг исми, миллати, жинси, паспорт серияси ва рақами, яшаш жойи, туғилган йили ва жойи, тугатган олий таълим муассасасининг номи, манзили ҳамда уни тугатган йили, диплом серияси ва рақами, дипломдаги умумий рейтинг балли, таълим тили, мутахассислиги ва тест синови топширадиган чет тили ҳақидаги маълумотлар базасини мутахассислик бўйича махсус дастурга хатосиз киритади ва абитуриентларнинг электрон сурати билан Давлат тест марказига юборади ҳамда шу куннинг ўзида тест синовлари Низомнинг 2-илоvasига мувофиқ абитуриентлардан тушган аризалар ҳақида маълумотни Давлат тест марказига тақдим этади, ушбу рўйхатга кейинчалик ўзгартириш ва кўшимчалар киритиш тақиқланади;

5-босқич. Қабул комиссияси тест синовлари ўтказилишидан 7 кун олдин — Низомнинг 3-илоvasига мувофиқ шаклдаги титул варақаси, Низомнинг 4-илоvasига мувофиқ шаклдаги абитуриент рухсатномаси, Низомнинг 5-илоvasи 1-шаклига мувофиқ абитуриентларнинг умумий рўйхати ҳамда Низомнинг 5-илоvasи 2-шаклига мувофиқ абитуриентларга рухсатномаларни тарқатиш қайдномасини чоп этиш бўйича Давлат тест маркази билан шартнома тузади;

6-босқич. Қабул комиссияси тест синовлари ўтказилишидан 5 кун олдин — Давлат тест марказидан абитуриентларнинг умумий рўйхатини тасдиқланган ҳолда қабул қилади ва уни шу куннинг ўзида Марказ расмий веб-сайтига ва қабул комиссияси эълонлар тахтасига жойлаштиради;

#### **4.4. Хизмат кўрсатишнинг ички – идоравий босқичлари**

Давлат тест маркази тест синовларини ташкил этиш ва ўтказиш билан боғлиқ қуйидаги вазифаларни бажаради:

тест саволларини тузади ва уларни экспертиза қилади;

тест материалларининг сифатли, нуқсонсиз тайёрланишини таъминлайди ҳамда махфийликни сақлаган ҳолда тайёрлайди ва чоп этади;

Марказдан Низомда назарда тутилган тегишли маълумотларни тасдиқланган ҳолда олади ва уларга ишлов беради;

Давлат тест маркази вакиллари, аудитория раҳбарлари ва кузатувчиларини куръа ташлаш йўли билан тақсимлайди;

аудиториялар бўйича абитуриентлар рўйхатларини шакллантиради;

тест материалларини тест синови ўтказиладиган бинога ва тест синови тугагандан сўнг, Давлат тест марказига етказилишини таъминлайди;

қабул комиссиясига тест синови натижалари ва тўлдирилган титул варақаларини топширади;

## **5. СИФАТ ТАЪМИНОТИ**

### **5.1. Сифат кўрсаткичлари**

Абитуриент жавоблар варақасидаги “Test sinovlari qoidalarini buzildimi?” пунктида тест синовларини ўтказиш жараёни ҳақидаги ўз фикр – мулоҳазаларини “*Ha*” ёки “*Yo’q*” кўринишида билдиришлари мумкин.

### **5.2. Сифатсиз кўрсатилган хизмат учун шикоят**

Магистратурага кириш тест синовлари натижалари юзасидан номзодларнинг аризаларини кўриб чиқиш учун Марказ директорининг буйруғига асосан Апелляция комиссияси ташкил этилади

Апелляция комиссиясининг аризани кўриб чиқиш натижалари бўйича қабул қилган қарори юзасидан қонун ҳужжатларида белгиланган тартибда судга шикоят қилиниши мумкин